

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Die gantz Bibel Alt vnd Neüw Testament

Register - weiset alle Historien vnd fürnehme sprüch uber beyde Alt vnd Neüw Testament. Jtem auch mitt Zweyhundert Figuren mehr dann vor hien nie jm Truck außgangen seind

Das gantz New Testament. Jn vil orten verstendiger verteütscht

Luther, Martin

Straßburg, 1530

Vorrede

urn:nbn:de:bsz:31-76603

gelinde sein/alle samfftmütigkeit beweisen gegen allen menschē. Denn wir waren auch weiland vnweise/vngehorsam/vrige/dienend den lüsten vnd mancherley wollusten vnd wandelten yn bosheiten vnd neid/waren heftlich vnd heffig vnderinander.

Da aber erscheynn die freundlichkeit vil leutselikeit Gottes vnser heilands/nit vmb der werck willen der gerechtikeit/die wir gethan hatten/sonder nach seiner barmhertigkeit/machte er vns selig durch dz bad der widergepurt vnd erneuerung des heiligen geistes/welchen er aufgegossen hat vber er vns reichlich/durch Jesum Christ vnsern heyland/auf dz wir durch desselbigē gnade gerechtfertiget/ erben seyē des ewigen lebē nach der hoffnūg/dz ist vhe gewislich war.

Solchs wil ich/das du treibest/auf dz die/so an Got gläubig sind wordē/sich fleisigen/in gūten wercken fūrtrefflich zū sein. Solchs ist gūt vñ nūs dē menschē. Der töre chien frage aber/der geschlecht register/des zancs vnd streites vber dem gesē. entschlah dich/deñ sie sind vnnūs vnd eytel. Einen abtrūigen menschē meide/wen er einmal vnd abermal vermanet ist/vnd wisse/dz ein solcher verkeret ist/vnd sündiget/als der sich selbst verurteilt hat.

Wenn ich zū dir senden werde Arteman oder Tichicon/so kom eylennd zū mir gen Nicopolin/deñ da selbst hab ich beschlofen das winter lāger zū haben. Zenan den schrifftegelerten vnd Apollon fertige ab mit vleys/auff das in nichts gebreche. Las aber auch die vnsern lernē in gūten wercken fūrtrefflich sein/wo es die noturfft fordert/auff das sie nicht vnfruchtbar sein. Es grūssen dich alle die mit mir stānd. Grūsse alle die vñs lieben ym glauben. Die gnad sey mit euch allen.

Geschrieben auß Nicopoli vñn Macedonia.



Vorred auff die Epistel

Sanct. Pauli An Philemon.

Diese Epistel zeyget

einn meisterlich lieblich exempel Christlicher liebe. Denn da sehen wir wie Sanct Paulus sich des armen Onesimos annimpt/vñnd vñn gegen seinem herren vertritt/mit allem das er vermag/vñ stellt sich nicht anders/denn als sey er selbst Onesimos/der sich versündigt habe. Doch thut er das nit mit gewalt oder zwang/ als er wol recht hette/sonder eüffert sich seines rechten/da mit er zwinget/das Philemon sich seines rechten auch verzeyhen müss. Eben wie vñs Christus gethan hat gegen Got dem vatter/also thut auch S. Paulus vor Onesimo gegen Philemon. Den Christus hat sich auch seines rechten geeüffert vnd mit liebe vnd demüt den vatter überwunden/das er seine zorn vnd recht hat müsser legen/vñnd vñns zū gnaden nemenn/vñb Christus willen/der also ernstlich vñs vertritt/vñnd sich vnser so herrlich annimpt. Denn wir sind alle seine Onesimi so wirs glauben.

Die Epistel S. Pauli

An Philemon.

Paulus der gebunden Jesu Christi / vñnd Timotheos der brüder.

Philemoni dem lieben vnd vnserm gehütffen/vñ Aphian der lieben/ vnd Archippo vnserm streit genossen vnd der gemeyne inn seinem hause.

Gnade sey mit euch vnd fride von Gott vnserm vater vñ dem Herrn Jesu Christo.

Ich dancke meinem Gott/vñnd gedende dein alle zeit vñn meinem gebette/nach dem ich höre vonn der liebe vñnd dem glauben/welche du hast gegen dem Herrn